

清·方略館 編

清代 方略 全書

北京圖書館出版社



欽定剿平粵匪方略卷二百十三 己未年

正月二十六日

丁酉 曾國藩奏言 臣接奉

諭旨飭令通籌全局 臣才識短淺何足以言規畫就近

處數省而論則安徽軍務最爲喫重江西次之

福建又次之皖南中界一山皖北中隔一湖兩

路賊勢 臣前疏已詳晰具奏近聞福建之賊尙

踞連城江西之賊竄入南安贛州戒嚴定南崇

義相繼失守以臣愚見連城之賊閩省兵力應
足了之南贛之賊人數尙多悍者較少非一支
客軍所能猝辦必須本省兵力輔以團練方可
徐起有功惟安徽賊黨其氛甚惡其患方長大
凡官軍與賊彼此互爲消長斷無中立之理我
能進而勦賊則賊將竭力禦我不暇他竄我不
能進而勦賊則賊將乘隙犯我旁出四溢皖南

無進勦之師則賊必東犯浙江皖北無進勦之
師則賊必北犯齊豫故就一隅觀之則江西之
南贛福建之連城均是賊黨均須兵力不可舍
近而圖遠就全局觀之則兩利相形取其重兩
害相形取其輕又不得不舍小而圖大誠使大
江兩岸各置重兵水陸三路鼓行東下勦皖南
則可分金陵之賊勢即可紓浙江之隱憂勦皖

北則可分廬州之賊勢卽可紓山東河南之隱
憂方今湖北全省肅清然與皖境處處緊接防
不勝防者莫如湖北據上游之勢能制皖賊之
死命者亦莫如湖北臣與官文胡林翼等熟商
就現在之兵力稍加恢廓北岸須添足馬步三
萬人都興阿李續宜鮑超等任之中流現有水
師萬餘人楊載福彭玉麟任之南岸須添足馬

步二萬人臣率蕭啟江張運蘭等任之三道並
進夾江而下幸而得手進占十里則賊蹙十里
之勢進占百里則賊少百里之糧卽不甚得手
而上游之勢旣重卽下游之賊不得以全力
禦我其於金陵廬州兩大營均有裨益此遵
旨通籌全局宜併力大江兩岸之微意也至臣處近日
軍情蕭啟江一軍自拔營南赴雩都據稟南贛

各屬賊蹤蔓延力難兼顧臣飭令專救贛州以保要郡不必旁顧他處張運蘭一軍自十二月十七日馳抵景德鎮十九日吳國佑小挫一次二十七日張運蘭大勝一次贛州居江西之極南景德鎮居江西之極北相距千餘里臣駐建昌距兩軍各五百里調度不靈轉運不便且兩處皆孤軍深入賊衆兵單日夜焦思無師可濟

臣前摺聲明蕭啟江之軍或留防南路或隨臣
北行客俟續行具奏近日詳加體察顧此則失
彼顧南則失北與其懸心兩地不若專力一方
已咨商江西撫臣耆齡請其另調勁軍以勦南
贛兼辦團練以散脅從臣卽專辦北路調回蕭
啟江一軍歸併饒州彭湖等處在江西則臣管
北邊耆齡管南邊在皖楚則臣攻南岸都興阿

等攻北岸地有分防斯責無旁貸師有定向斯
士無二心免致到處牽掣一無所成此臣處近
日軍情擬調蕭啟江併赴北路之微意也臣往
歲在軍未聞賊匪能用馬隊近聞粵匪嘗以馬
隊衝鋒擒匪則邊馬尤多李續賓三河之敗卽
係賊馬數千爲湘軍向來所未見昨吳國佑景
德鎮之挫亦爲賊馬所困今欲整頓陸軍不得

皇上親不添設馬隊東三省馬隊爲天下勁旅根本所
在不敢多爲奏調臣與湖北督撫函商擬由官
文等奏調察哈爾馬三千匹請

旨飭上駟院押解來南潁亳一帶有善騎之勇可募名
曰馬勇應卽添練新馬隊二千餘騎與都興阿
之舊隊相輔而行於九江湖口等處擇平原曠
野馳騁而操習之惟以南人而騎北馬以勇丁

而學弓箭非倉卒所能奏效臣願竭數月之力朝夕講求從容訓練期於成熟而止練成之後以二千匹分江北隸都興阿舒保等麾下以五百匹分江南隸臣麾下以壯步軍之氣而寒賊黨之膽餘賸馬匹游牧於黃州鞍轡等具設局於九江以備隨時添補更換之用仰仗

皇上威福茲事若成皖豫等省軍務可期大有起色此

轉之添置馬隊臣願自任教練之微意也溯自咸豐

六年洪楊內亂河北肅清武漢再克臣方慶幸

京中以爲大難計日可平不謂遷延歲月粵匪未靖

瑩交捻匪復滋餉項有日竭不支之勢將士有久疲

思退之心不得不改絃更張亟思所以振之也

奏入

上命軍機大臣傳諭曾國藩曰安徽賊氛甚惡湖北據

皖境上游該侍郎統籌全局意在併力大江兩岸爲節節進剿之計所見甚是惟現在江西南贛等處賊氛尙熾該侍郎未能卽日北行俟南路稍鬆再赴皖楚交界籌辦大局其調察哈爾馬匹一節上年調赴袁甲三等軍營之馬沿途倒斃十之七八一路解費概屬虛糜翁同書因廬營缺馬曾有就地採買之請較之遠路調撥似有實濟本日已諭知官文等設法

籌辦矣將來楚軍東下如馬隊不敷並可由勝保等
軍營酌量協撥

上又命軍機大臣傳諭官文都興阿胡林翼曰曾國藩
奏通籌全局須添練馬隊據稱現在賊勢以安徽爲
最重能據其上游而制其死命莫如湖北曾與官文
等籌商北岸添馬步三萬人以都興阿等領其軍中
流水師楊載福等任之南岸亦須添馬步二萬人該

侍郎自率蕭啟江張運蘭等前往統領爲三道並進
夾江東下之舉惟蕭啟江赴援贛州張運蘭專勦景
德鎮兩軍皆距曾國藩軍營甚遠擬商耆齡另調勁
軍以勦南贛該侍郎卽專辦北路調回蕭啟江歸併
饒州彭湖等處商由官文等奏調察哈爾馬三千匹
以備募練馬勇所議軍情均合時勢惟江西現無兵
力可與蕭啟江抽換曾國藩仍須暫留建昌防勦南

路俟賊勢稍鬆再赴江西北境察哈爾馬匹本屬無
多節次調往勝保袁甲三軍營沿途倒斃十之七八
徒滋糜費不如仍由湖北採買較爲便捷近年粵捻
各匪多用馬賊衝鋒官軍自應添備騎兵與步兵相
輔而行前此湖北練習馬隊已有成效自可擴充辦
理將來楚軍東下如馬隊不敷並可由勝保等軍營
酌量協撥

會國藩又奏言臣前咨商耆齡撥兵來建昌換防頃准覆函以贛南方棘無兵可撥囑臣暫駐建昌兼防閩賊內竄等語查南路防剿喫緊而連城一股經閩兵阻截難保不回竄江西且臣拔營北行去蕭散江一軍愈遠聲息難通目下有不能遽行移營之勢自應暫留建昌相機辦理再查建昌甯都各屬別無防兵江閩交界千